

Cu tempo e lo bira madura y mira cu placa no ta tur cos

Sidney Ponson su disculpa no a sali di curazon

ORANJESTAD(AAN): Na Aruba e no kier a expresa

nada na prensa local.

Yegando Mercasi por anota

e cantidad di barbaridad cu un yiu di tera cu a bolbe

comporta su mes malo ta bai expresa su mes y papiando malo di su pais natal manera cu e no ta esun robez.

Pesey mes dia cu el a bandona Aruba y cu el a lesa e pida papel cu nan a dune pa e lesa dilanti su nanishi por a mira cu e tabata lesa esaki sin cu e tabata kier y a haye forza pa lesa tal.

Kizas na radio e lo a sona bunita, pero ora cu bo mira su expresion na television, bo ta saca bo conclusion.

Abogadonan Mericano no tabata kier a papia cu prensa local y ademas no a permiti Sidney papia aki tampoco.

Awor na Merca ta saliendo un cantidad di noticia den medionan a base di declaracionnan cu Sidney a duna na Merca.

Sidney di berdad bo ta un mal agradecido si mira loke

cu awe ta saliendo na Merca den noticianan Mericano.

Esey ta un muestra cla cu bo no ta un persona madura, pero cu tempo lo bo mester bay guli bo palabranan si ta berdad cu Aruba no ta bo cas mas.

Pakiko bo a pidi disculpa anto na bo hendenan na aruba cu tanto kier bo persona.

Bo ta un idolo cu di berdad Aruba ta para bo tras y un disculpa tabata na su lugar.

E manera di actua di bo persona ta cla cu bo placa ta tur cos pa bo, pero un biaha mas dentro di algun aña ora cu bo madura lo bo realia cu bo actuacion ta robez.

Tin biaha ta mihor bo haci bo expresion cu palabranan dushi, pa si ta e caso cu bo mester gulinan bek, esakinan no baha marga den bo garganta.

CRS a desvia di protocol firma....

Awor cos a pega entre seguro y propio actuacion di CRS

ORANJESTAD(AAN): E asunto di 35 florin extra riba e poliza di seguro ta algo cu directoman di cada seguro a bin cune clapa nan coleganan na momento cu a introduci e servicio di CRS oficialmente.

Awor e pueblo cu ta haci uso di seguro no ta dispuesto di paga pa e seguro aki cu e servicio extra unda lo cobra 35 florin riba e poliza.

Un total di 6 Mil accident pa aña kizas lo no yena saco di e grupito na cabez di CRS pasobra loke cu nan kier ta pa tur asegurado paga e suma y asina sigur e lo ta un suma rondo cu lo satisface cualkier doño di negoshi.

Brokernan ta masha rabia cu e manera di actua di seguro cu no a hinca nan for di promedia cu henter e asunto aki a cuminsa.

Cu e brokernan nos lo busca contacto awe mientras cu e reunion cu a tuma lugar entre seguronan y CRS tambe a pega pasobra seguronan no ta contento cu e manera cu CRS ta actuando.

Segun seguronan e palabracion no tabata cu lo bay mete den trabao di polis.

Algo cu den futuro ora cu e dos partidonan polis y CRS conoce otro mihor lo por yega

asina leu mescos cu Curacao cu nan lo por yuda den accidentnan sin cu polis mester presenta.

Den e caso aki mester coy e confianza prome locual no tey ainda entre polis y CRS. Pesey mes cos a pega entre seguro y CRS pasobra seguronan ta haya cu e plabracion ta cu nan mester bay e accident y no mete den trabao di polis pasobra polis tamber mester traha na raport.

Cu CRS ta bay y atende cu e accident ta ok, pero basta nan no mete den trabao di polis y mishi aki aya perhudicando kizas e investigacion.

Awor tin dos problema


andando cu ta e palabracion entre seguro y CRS y e problema di comunidad cu no ta acepta e cobranza extra di 35 florin riba e poliza cu ya caba nan ta paga.

Tur cos ta muestra cu gobierno aki conoci como un gobierno di medida ta dunando sosten na e seguronan pa cobra e 35 florin aki.

Polis di otro banda lo ta buscando pa sinta na mesa cu esnan cu ta busca raport di polis pa asina papia cu nan y mira kico ta henter e problema cu e raportnan cual seguronan ta bisa cu no ta keda cla pa nan por eherce nan pago.

TELEFONAN DI DIARIO
582-6747- FAX 582-8551

AÑA DI BERDAD!!



BEST DEAL


Tel: 582-7050

(Pariba di Aruba Bank - Paradera)

BEST SHOPPING DEAL

Turibana Plaza - Noord

Tel: 586-5455



Light, Radio + Cassette, Clock + Anti Bug, AC/DC + Emergency + Fan.

SPECIAL 99.00